



Arkiivaáššennr. 25/1542

Ášši	Gos	Goas
	Sámedikki dievasčoahkkinn	-

Saksfremlegg

Miellahtuid ja várrelahtuid válljen Finnmárkkuopmodaga stivríi

Geassemánu 17. beaivvi 2005 lágas nr. 85 riektediliid ja eatnamiid ja luondduvalljodagaid hálddašemi birra Finnmárkku fylkkas, lea dadjamuš Finnmárkkuopmodaga stivríi nammadeapmái.

Finnmárkkuopmodaga jođiha stivríi mas leat guhtta olbmo. Sámediggi ja Finnmárkku fylkkadiggi válljeba goabbáge golbma lahtu oktan persovnnalaš várrelahtuiguin. Dat lahtut galget ássat Finnmárkkus.

- Sihke Sámediggi ja Finnmárkku fylkkadiggi galgaba válljet sihke nissoniid ja dievdduid. Dat mearkkaša ahte orgánaid válljen golmma lahtu ja golmma persovnnalaš várrelahtu gaskkas, galget goappašat sohka bealit leat ovddastuvvon. Jus gáibádusat eai leat devdojuvvon eanetlohkoválggain, de ii leat válga lobálaš ja ferte čadahit odđa válggaid.
- Sámedikki válljen lahtuid gaskkas galgaba unnimusat okta stivríi lahttu ja su várrelahttu leat boazodoalu ovddasteaddjit. Ot.prp. nr. 53 (2002-2003) mearkkašumis boazodoalu ovddasteaddji birra daddjojuvvo ná:

«Reindriftsorganisasjonene bør gis mulighet til å foreslå kandidater i forkant av Sametingets valg. Det er etter loven ikke et krav at den som velges selv er aktiv reindriftsutøver, men dersom dette ikke er tilfellet må vedkommende ha en slik tilknytning til reindriften at det er naturlig å karakterisere vedkommende som en representant for næringen».

- Lahtuid ja várrelahtuid galgá válljet ovttá ollái. Ovttá ollái válljema gáibádusa duogáš lea ahte prinsihpat, mat gusket válgaorgánaid lahtuid vejolašvuhtii gáibidit gorreválggaid, vuhtiiváldojuvvojit.
- Stivríi lahttun dahje várrelahttun ii sáhte válljet Finnmárkkuopmodaga virggehasaid, Finnmárkkuopmodaga rehketdoallodárkkisteaddji ja geahččolávdegotti lahtuid ja várrelahtuid. Dat lea dan dihte go

Finnmárkkuopmodaga rehketdoallodárkkisteaddjis ja geahččolávdegotti lahtuin galgá leat sorjjakeahtesvuohta stivrra ektui vai sáhttet áimmahuššat bargguideaset. Dán mearrádusa mearkkašumis daddjojuvvo maid ná:

«Det kan reises spørsmål om medlemmer av fylkestinget eller Sametinget bør kunne velges som styremedlemmer i Finnmarkseiendommen. Etter departementets mening bør ikke loven utelukke det, men fylkestinget og Sametinget må gjøre seg opp en mening om de ønsker en slik kombinasjon av funksjoner dersom det er aktuelt å velge et medlem av fylkestinget eller Sametinget».

- Stivralahtut ja várrelahtut nammaduvvojit njealji jahkái hávális. Ii oktage sáhte leat stivralahttun guhkit go logi jagi oktilassii.
- Stivralahtut ja persovnnalaš várrelahtut Finnmarkkuopmodahkii galget välljejuvvot gorreválggain nugo suohkanlágas, jus unnimusat okta Sámedikki dahje fylkkadikki lahtuin dan gáibida.
- Jus gorreválggain lea dárbbalaš, deavdin dihte sohkabealeovddasteami ja boazodoalu ovddasteami gáibádusaid, galgá beare unnán ovddastuvvon sohkabeali evttohasaid ja boazodoalu ovddasteaddji loktet badjeliidda dan listtus mii lea ožžon unnimus jienaid, daid listtuid gaskkas mat galget ovddastuvvot. Jus eai leat boazodoalu ovddasteaddjit ovttaga välljejuvvon listtus, de manná manjemus stivrasadji dan listui mii lea ožžon eanemus jienaid ja mas leat boazodoalu ovddasteaddjit.
- Stivra vällje ieš lahtuidis gaskkas jodiheaddji ja várrejodiheaddji. Jus ii oktage oaččo eanetlogu, de mearrida Finnmarkku fylkkadiggi leaskalohkojagiin ja Sámediggi bárralohkojagiin guđemuččat guđa lahtus leat jodiheaddji ja várrejodiheaddji. Stivra mearrida dábálaččat dábálaš eanetloguin. Go leat ovttameare jienat, de mearrida stivrajodiheaddji jietna.

Áššis 052/18 mearridii Sámediggi ahte: *«Sámedikki vuosttaš gorrelohkoválljen stivralahttu FeFo lea Sámedikki evttohas FeFo jodiandoibmii.»*

Sámediggeráđi dán mearrádusa árvvoštallamis daddjojuvvo ná:

«Garvin dihte dakkár dili ahte ii leat čielggas gii FeFo-stivrra jodiheaddjeevttohas lea Sámedikki nammadan lahtuid gaskkas, de oaivvilda Sámediggeráđi ahte čuovvovaš válggaid rájes go FeFo-stivrra lahtut välljejuvvot, lea dat guhte lea välljejuvvon vuosttaš sadjái gorreválggain stivrajodiheaddjeevttohas, vrd. finnmárkolága 8. §:in. Jus gártá dillái mas ferte spiehkastit dan vuolggasajis, de berre dan ságaškuššat Sámediggeráđiin ja listtuid/bellodagaid, main lea lahttu FeFo-stivrras, parlamentáralaš jodiheddjiiguin.»

Árvvoštaladettiin dan gelbbolašvuođa mii FeFo stivrras berre leat, lea Sámediggi áššis 052/18 mearridan ahte: *Sámedikki välljen lahtut ja persovnnalaš várrelahtut FeFo stivrras ovddastit doppe Sámedikki ja geahččalit galgá ahte sihkkarastojuvvo čeahkis gelbbolašvuohta, vásihusat ja kapasitehta čuovvovaš surggiin:*

1. *Sámi giella ja kultuvra, dása gullá maid máhttu historjjálaš árvbevirolaš sámi meahccegeavaheami birra.*
 - a. *Servodatmáhttu ja politihkalaš bargu*
 - b. *Doaibmastivren*
 - c. *Juridihkalaš gelbbolašvuohta sámi vuoigatvuođaid birra álgoálbmogin*

Finnmarkkuopmodaga stivrra doaimma bearráigeahččá geahččolávdegoddi, mas leat golbma lahtu. Finnmarkkolága 16. § vuodul galget Finnmarkku fylkkadiggi, Sámediggi ja Gonagas guhtege nammadit ovttameare lahtu oktan persovnnalaš várrelahtuin. Lahttun ja várrelahttun galgá guhtege orgána nammadit dievddu ja nissona. Lahtut ja várrelahtut

nammaduvvojit gitta njealji jagi rádjai hávális. Ii oktage sáhte leat lahttun guhkit go logi jagi oktilassii. Stáhta nammadan lahttu lea lávdegotti jodiheaddji.

Geahččolávdegoddi galgá bearráigeahččat ahte Finnmárkkuopmodaga doaibma jodihuvvo finnmárkolága ja eará láhkamearrádusaid mielde. Lávdegotti galgá válljet ovtta dahje mánga stáhta autoriseren rehketdoallodárkkisteaddji dárkkistit Finnmárkkuopmodaga rehketdoalu. Geahččolávdegoddi galgá dohkkehit Finnmárkkuopmodaga jahkerehketdoalu, jahkediedáhusa ja dárkkástusdiedáhusa, ja galgá dohkkehit stivrra mávssu, dohkkehit loanahemiid ja dáhkideamiid, ja vel dohkkehit badjebáhcaga juogadeami.

Mearrádus

Válgalávdegotti mearrádusárvalus:

Finnmárkkuopmodaga stivra:

Sámediggi	nammada	lahttun	Finnmárkkuopmodaga	stivrii.
Persovnnalaš várrelahttun nammaduvvo				

Sámediggi	nammada	lahttun	Finnmárkkuopmodaga	stivrii.
Persovnnalaš várrelahttun nammaduvvo				

Sámediggi	nammada	lahttun	Finnmárkkuopmodaga	stivrii.
Persovnnalaš várrelahttun nammaduvvo				

Finnmárkkuopmodaga bearráigeahččanlávdegoddi:

Sámediggi	nammada	lahttun	Finnmárkkuopmodaga	bearráigeahččanlávdegoddái.
Persovnnalaš várrelahttun nammaduvvo				

Sii doaibmagohtet 01.01. 2026 ja doaibmanáigi lea 4 jagi.